



Fréttabréf Naustaskóla

5. tölublað, 6. árgangur, 2. maí 2013

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Útivistartíminn

Frá og með 1. maí lengdist útivistartími skv. lögum, nú mega börn 12 ára og yngri vera úti til kl. 22 en 13-16 ára mega vera úti til kl. 24.

Rétt er þó að taka fram að foreldrar ráða að sjálfsgöðu útivistartíma sinna barna, og sjálsagt að muna að flest börn og unglingar þurfa að minnsta kosti 9-10 tíma svefn!!

Útiþróttir

Upp úr mjóðjum mánuðinum (frá 21. maí) gerum við ráð fyrir að verði komin sumarblíða og að frá þeim tíma verði íþróttakennslan alfarið utandyra. Við biðjum því um að frá og með tíma verði nemendur sérstaklega vel búnir til útiveru...

Vorskóli - skólabyrjun í haust

Fimmtudaginn 16. maí nk. kl. 17:00 bjóðum við verðandi nemendum í 1. bekk og foreldrum þeirra á stutta kynningu í skólanum. Þar munu nemendur hitta verðandi kennara sína og foreldrar fá kynningu á skólanum hjá stjórnendum. Skólastarf í haust mun svo hefjast með skólasetningu þann 22. ágúst.

Kæra skólasamfélag

Þá líður að endasprenntinum hjá okkur þetta skólaárið og við erum nú fyrir alvöru farin að undirbúa næsta skólaár. Nú ber svo við að við sjáum loks fram á nokkuð meiri stöðugleika en við höfum upplifað undanfarin misseri. Kemur þar til að það hægir örlítið á fjölguninni hjá okkur, enda förum við nú að útskrifa nemendur í fyrsta sinn, en í öðru lagi er ekki útlit fyrir mjög miklar breytingar á starfsliðinu, ef frá eru talin fæðingarorlof. Þarna er svo sannarlega um ánægjuleg tímamót að ræða enda hafa þessi fyrstu starfsár okkar einkennst af miklum árlegum uppstokkunum og skipulagsbreytingum til að mæta fjölgun nemenda og starfsmanna. Við leggjum því upp með að skipulag mála næsta skólaár hvað varðar stundaskrá, tímasetningar o.s.frv. verði með svipuðu sniði og í ár. Nokkuð verður vart við þann misskilning meðal foreldra að íþróttahús skólans verði tekið í notkun nú í haust. Svo er ekki, einungis verður lokið við uppsteypu og utanhússfrágang á húsinu en skv. núverandi áætlunum mun það svo bíða ársins 2016 að fullgera húsið og taka það í notkun. Þangað til munum við væntanlega taka að nýju upp útikennslu í íþróttum að nokkru leyti til móts við það að áfram verður keyrt í íþróttahús og sund vikulega með alla nemendur.

Það ber annars m.a. til tíðinda í maímánuði að Lego-liðið okkar heldur til Þýskalands í næstu viku þar sem það keppir við fulltrúa frá tugum annarra landa og verður aldeilis spennandi að sjá hvernig okkar fólk stendur sig í útlöndinu. Leitað hefur verið til fjölmargra aðila að undanförmu um styrki til ferðarinnar enda er verulega kostnaðarsamt að leggja upp í ferðalag af þessu tagi. Við viljum þakka þeim fjölmörgu sem hafa lagt til fjármuni og stuðning af ýmsu tagi til að gera þetta ævintýri að veruleika. Að öðru leyti verður maí nokkuð hefðbundinn með vorþemadögum, vorhátíð og öllu tilheyrandi. Vonandi fer vorveðrið að láta á sér kræla svo að lífið geti nú örugglega verið eins dásamlegt og það á að vera í maí...!

Ágúst Jakobsson, skólastjóri


Skólanefnd óskar eftir tilnefningum til viðurkenninga

Samkvæmt skólastefnu Akureyrarbæjar skal árlega veita viðurkenningar, þeim einstaklingum eða stofnunum sem skarað hafa fram úr í skólastarfi. Markmiðið er að vekja sérstaka athygli á því sem vel er gert og hvetja þá sem fyrir valinu verða til þess að halda áfram því góða starfi sem þeir eru að vinna og jafnvel gera enn betur. Viðurkenning er einnig staðfesting á að viðkomandi skóli/kennari/nemandi er fyrirmynd annarra á því sviði sem viðurkenning nær til. Á heimasíðu skólans er að finna auglýsingu með nánari upplýsingum varðandi þetta. Hægt er að tilnefna nemendur, kennara og sérstök verkefni sem unnið hefur verið að. Hver sem er getur skilað inn tilnefningum en þeim þarf að skila í síðasta lagi 6. maí.

Umræðufundur um heimanám

Í niðurstöðum könnunar meðal foreldra á dögnum stakk í augun að töluvert færri foreldrum í Naustaskóla en annars staðar að meðaltali finnst heimanám nemenda hæfilegt, og er mun stærri hluti hér en annars staðar sem finnst heimanámið of lítið. (Á myndinni hér fyrir neðan má sjá svörum foreldra við spurningu um hvort þeim finnst heimavinna of mikil eða lítil.) Í tilefni af þessu boðum við til umræðufundar mánudaginn 13. maí kl. 17:00. Fulltrúi frá Háskólanum á

Akureyri mun flytja erindi um niðurstöður rannsókna á gagnsemi heimanáms en síðan er hugmyndin að ræða stefnu skólans í málinu og leitast við að komast að niðurstöðu um hvort hún þarfnist breytinga eða nánari útfærslu. Allir áhugasamir foreldrar eru eindregið hvattir til að mæta.





Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Maí 2013

Sun	Mán	Þri	Mið	Fim	Fös	Lau
	29 Mexíkóskur hakkréttur, hrísgrjón og salat	30. Soðinn fiskur, kartöflur grænmeti, tómatsósa Opíð hús 7-10b 19:30-21:30	1. maí Frídagur verkamanna FRÍ	2. Steiktur grísahnakki, kartöflur, salat og sósa	3. Baconkartöflusúpa, brauð og smjör	4.
5.	6. Soðinn fiskur, kartöflur, rófur og smjör	7. Hakkabuff, kartöflur, salat og lauksósa. Opíð hús 7-10b 19:30-21:30 Opíð hús 4-5b 16:00-18:00	8. Fiskur Björkeby, hrísgrjón, salat og köld piparsósa Opíð hús 6-7b 16:00-18:00	9. Uppstigningardagur FRÍ	10. Skyr, brauð og álegg	11.
12.	13. Plokkfiskur og rúgbrauð Umræðufundur um heimanám kl. 17:00	14. Kjötballur, kartöflur, salat og brún sósa Frjálsíþróttamót 4.b. Opíð hús 7-10b 19:30-21:30	15. Tómatkarryfiskur, kartöflur og salat Frjálsíþróttamót 5.b	16. Súrsætur grísapott- réttur, hrísgrjón og salat Frjálsíþróttamót 6.b. VORSKÓLI hjá verðandi 1.b. kl. 17:00-18:30	17. Pepperonipasta og salat Frjálsíþróttamót 7.b.	18.
19.	20. Annar í hvítasunnu FRÍ	21. Soðið slátur, kartöflur, rófur og jafningur Opíð hús 7-10b 19:30-21:30 10. bekkur á ferðalagi þessa viku	22. Fiskibollur í heitri tómatsósu, kartöflur og salat	23. Grænmetislasagna, hrísgrjón og salat	24. Hrísgrjónagrautur og slátur	25.
26.	27. Svikinn héri, kartöflur, sósa og salat	28. Snakkfiskur, hrísgrjón og salat VORþEMA Opíð hús 7-10b 19:30-21:30	29. Kjöt og karry VORþEMA	30. Fiskipottréttur, kartöflur og salat VORHÁTÍÐ	31. Blómkálssúpa og brauð	1. júní

Vorhátíð Naustaskóla og hverfisnefndar Naustahverfis verður haldin fimmtudaginn 30. maí - dagskrá verður nánar auglýst síðar..

Skólaslit vorið 2013 verða þriðjudaginn 4. júní, Frístund lokar á hádegi þann dag og sumarfrí hefst, tímasetningar skólaslita verðar auglýstar í næsta fréttabréfi sem kemur út eftir miðjan maí.